

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-17666/24  
Sarajevo, 15.8.2024. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

## **ODLUKU**

### **Izvođenje radova na regulaciji vodotoka Lepenica XVI faza (nastavak XV faze) na dionici od profila PP-9 do profila PP19**

#### **I**

Prihvata se preporuka Komisije za javnu nabavku radova i ugovor u postupku javne nabavke - Izvođenje radova na regulaciji vodotoka Lepenica XVI faza (nastavak XV faze) na dionici od profila PP-9 do profila PP19, broj obavještenja 422-1-3-138-3-196/24 objavljeno na Portalu javnih nabavki BiH dana 09.7.2024.godine i u “Službenom glasniku BiH” – Oglasnik javne nabavke broj 48/24 od 12.7.2024.godine, dodjeljuje se grupi ponuđača “Manjo” d.o.o. Sarajevo i “Musić Company” d.o.o. Sarajevo sa ponudom u iznosu od 215.910,07 KM bez PDV-a, odnosno 252.614,78 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj Odlukom broj broj 02/12-19-17666/24 od 05.7.2024.godine Općina Novi Grad Sarajevo pokrenula je otvoreni postupak javne nabavke – Izvođenje radova na regulaciji vodotoka Lepenica XVI faza (nastavak XV faze) na dionici od profila PP-9 do profila PP19, broj obavještenja 422-1-3-138-3-196/24 objavljeno na Portalu javnih nabavki BiH dana 09.7.2024.godine i u “Službenom glasniku BiH” – Oglasnik javne nabavke broj 48/24 od 12.7.2024.godine. Procijenjena vrijednost za predmetnu nabavku iznosi 216.239,32 KM bez PDV-a, odnosno 253.000,00 KM sa PDV-om

Zapisnikom o otvaranju ponuda od 30.7.2024. godine Komisija je konstatovala da su u predviđenom roku u propisno upakovanim kovertama pristigle tri (3) ponude ponuđača:

1. “Orman” d.o.o. Kiseljak
2. grupa ponuđača “Manjo” d.o.o. Sarajevo i “Musić Company” d.o.o. Sarajevo
3. “Harysco” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je pristupila računskoj kontroli dostavljenih ponuda te konstatovala računsku grešku u ponudi ponuđača "Orman" d.o.o. Kiseljak i to kako slijedi:

1. Stranica br. 10:

- pozicija „Ukupno završni radovi“ umjesto upisanog iznosa 3.602,00 KM treba da stoji 5.602,00 KM,
- pozicija „Završni radovi“ umjesto upisanog iznosa 3.602,00 KM treba da stoji 5.602,00 KM,
- pozicija „Ukupno radovi“ umjesto upisanog iznosa 202.002,52 KM treba da stoji 204.002,52 KM
- Pozicija „Nepredviđeni radovi 7%“ umjesto upisanog iznosa 14.140,18 KM treba da stoji 14.280,18 KM,
- Pozicija „Ukupna cijena s popustom bez PDV-a“ umjesto upisanog iznosa 216.142,70 KM treba da stoji 218.282,70 KM

2. Stranica br. 6:

- Pozicija „Cijena ponude bez pdv“ umjesto upisanog iznosa 216.142,70 KM treba da stoji iznos **218.282,70 KM**
- Pozicija „Cijena ponude sa popustom“ umjesto upisanog iznosa 216.142,70 KM treba da stoji iznos **218.282,70 KM.**
- Pozicija „PDV na cijenu ponude“ umjesto upisanog iznosa 36.744,26 KM treba da stoji iznos 37.108,06 KM
- Pozicija „Ukupna cijena za ugovor“ umjesto upisanog iznosa 252.886,96 KM treba da stoji iznos **255.390,76 KM.**

Komisija je dana 05.8.2024.godine uputila ponuđaču Obavještenje o ispravci računске greške o čemu je ponuđač dostavio saglasnost na ispravku računске greške broj 267/24, 05.8.2024. godine.

Nadalje, Komisija je utvrdila da predmetna ponuda ponuđača "Orman" d.o.o. Kiseljak prelazi planirana sredstava ugovornog organa za predmetnu javnu nabavku, odnosno prelazi procijenjenu vrijednost nabavke iz Odluke o pokretanju postupka u iznosu od 2.390,76 KM. Shodno navedenom ponuda je neprihvatljiva, a što je i u skladu sa savjetodavnim mišljenjem Agencije za javne nabavke BiH. Predmetnim mišljenjem je navedeno da *u otvorenom postupku javne nabavke i konkurentskom zahtjevu za dostavu ponuda neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.*

Iz naprijed navedenih razloga utvrđeno je da je ponuda ponuđača „Orman“ d.o.o. Kiseljak neprihvatljiva u skladu sa članom 2. stav (1) tačka 1) Zakona o javnim nabavkama BiH, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda te utvrdila da dostavljene ponude ispunjavaju formalno pravne karakteristike, takođe izvršena je računska kontrola te je konstatovano da su dostavljenje ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. grupa ponuđača "Manjo" d.o.o. Sarajevo i "Musić company" d.o.o. Sarajevo sa ponuđenom cijenom za ugovor u iznosu od 215.910,07 KM bez PDV-a,
2. "Harysco" d.o.o. Sarajevo sa ponuđenom cijenom za ugovor u iznosu od 215.947,58 KM bez PDV-a

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 09.8.2024. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-138/24 od 12.7.2024.godine, Komisija je utvrdila da nije bilo podnošenja ponuda te da konačna rang lista izgleda kako slijedi:

1. grupa ponuđača "Manjo" d.o.o. Sarajevo i "Musić company" d.o.o. Sarajevo sa ponuđenom cijenom za ugovor u iznosu od 215.910,07 KM bez PDV-a,
2. "Harysco" d.o.o. Sarajevo sa ponuđenom cijenom za ugovor u iznosu od 215.947,58 KM bez PDV-a

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

**DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik  
mr. Semir Efendić